

易

用

易用卷二 卦爻集說

下經

吳郡毛一豐安洲輯

咸 恒

咸其拇 初六爻辭

[按]釋文載子夏傳。拇作趾。易注足大指。從足旁者

義正。字訓。又行也。與象傳志在外也。義合。

貞吉悔亡。憧憧往來。朋從爾思。 咸九四爻辭

憧憧往來。失寂然不動之體。朋從爾思。失感而遂

通之用。 頤頤

不恒其德或承之羞貞吝
又性三 ○子曰不占而已

矣 論好

[按] 占。當作。不恒其德。即不恒之義。惟是為善不

終。立心勿恒。故或承之羞。來注云或承之羞者。外

人進致其賤也。若依舊注作羞則。則下文吝字。重

言羞矣。蓋下卦為巽。巽為長女。三爻居巽之極。不

恒其德。則進退不果。改節之象。失其婦道之職。則

不容於夫而被黜矣。故外人與夫進其羞也。

䷛ 遯 ䷗ 大壯

天下有山速君子以速小人

速木

此言易於勝貨王孫賈蓋子未於王豈其木惡而

及

履美

飛南九思道曰遊而能

遊之為義如無才量瞻談則人得而嘲疑恐唱之

無藏身之術則人得而物色之此管寧所以自全

而泰也欲避不得也見理明透乃能斷然不日否

則窮通足以疑之毀譽足以惑之欲自全難矣哉

過 依欲以人全不易而簡

喪羊于易无悔

大壯六五

按本義或漢食貨志。場作易。與來注易。田畔地也。震爲大塗。場之象也。義如无悔者。以是爻陰居五位。不能自悔於心。故象傳曰。位不當也。

晉

明夷

晉如摧如貞吉罔孚裕无咎

初六爻辭

君子信而後諫未信則以爲謗已也而況初之居下位未受命於朝者乎孔子嘗爲委吏矣曰會計當而已矣嘗爲乘田矣曰牛羊茁壯長而已矣其所以裕之而无咎也

顧炎武

〔按〕推。古易作崔。來注云。崔。鬼之高也。中爻非艮山
在坤土之上。崔之象也。初則應於四。四近君。又陽
爻。崔如之象也。若以爲推如。則與小象獨行正也。
不相合矣。獨行者。獨進也。中爻艮綜震行之象。正
者。應與之正。進言升進之時。四陽在上。近與其君。
赫赫在寇。初則卑下。人不進而獨進之。似不可進。
然四與初爲正應。亦正道也。政未害其爲進。又未
受命也者。初爻應四未應五。則無官守。所以得緝
緝然有餘裕也。

明入地中明夷內文明而外柔順以蒙大難文王以
之利報貞晦其明也內難而能正其志箕子以之

傳柔

文王美里見囚天下之民命攸係故曰大難箕子
佯狂受辱一家之宗社攸關故曰內難

命玉

○美

美里演易處之甚從容文王之德佯狂受辱處之
極艱難箕子之志然文王囚之演義易箕子用之

演為時聖人患難關係斯文也

文謂炳

明入地中明夷君子以蒞衆用晦而明

大象

象傳曰晦其明。藉晦其明也。大象曰晦而明。晦處

有明也。俞玉吾

[按]君子之蒞衆。能晦處獨明。自然秋豪不爽。如箕

子之內難。當藉晦其明。是以大智若愚者也。

明夷夷于左股。用拯馬壯吉。六二

[按]拯。說文作拊。上舉也。徐鉉等曰。別作拯。非是。又

子夏傳亦作拊。六二 六二 初

䷤ 家人 **䷤** 睽

家人嗃嗃。悔厲吉。婦子嘻嘻。終吝。九三

家人嗃嗃以義勝情雖悔屬而吉婦子嘻嘻以情

二藤義故終吝

明炳文

上火下澤睽君子以同而異

象大

禹稷顏子同道而興趣夷志同聖而異術未足為

同之異也一孔子而齊魯之去異遠速一孟子而

今昔之饋異辭受乃君子之同而異也

楊萬里

遇主于巷无咎

釋文

御紫春秋之法備禮曰會禮不備曰遇睽卦皆言遇小事

吉之義也又禮君臣賓主相見皆由庭以升堂巷者

近宮垣之小徑。故古人循牆而走。謙卑之義也。謙避謹密。巽以入之。亦小事吉之意也。

見輿曳其牛。制于人天。且剝无初。有終。股六三又漸

按掣。釋文載。鄭作掣。子夏作掣。荀作解。引說文作

贅。及否剝本從之。蓋輿曳牛。則人被傷。如天且

剝。猶天作也。尊是也。雖无初而有終也。

悔凶厥宗。噬膚往何咎。股六五又辭

按厥宗。發語辭。宗。宗黨。往。往。何咎。句。厥。發語辭。宗。宗黨。

也。猶言在宗。則不往矣。不往。即有噬膚之災。不在

宗則往矣。往則何咎之有。是以悔止。故象傳復重
言以申明之。曰。厥宗噬膚。往有慶也。此爻擬之晉
文出奔之類。可以當之。

䷦ 蹇

䷧ 解

見險而能止。知矣哉。蹇利西南。往得中也。

象傳

得中曰往。然未嘗不妙于止。如沛公初入關中。封
府庫以待項羽。往而有止之用。其據漢中。燒絕棧
道。以圖進取。又以止為往之用也。故惟能止者為

能往也。

升 金 士

往蹇來譽宜待也

初六象傳

按釋文載鄭本作宜待時也。夫宜待時也者待其

蹇之時用大矣哉也。

雷雨作解君子以赦過宥罪

大象

歐陽公尹應天尚寬簡承包公嚴肅之後也若孔

明之治蜀猶子產之救鄭做各因其勢不同觀孔

子為政於魯釋父子訟而開人之誅不貸仁育義

正並行不悖也

升金士

○解之雷合於雨所以救過

解也雷合雨解以救過宥罪行春令也噬嗑之

雷合于電所以折獄致刑行秋令也

陸振奇

君子維有解吉有孚于小人

解六五 足解

君子去小人往往去之不力反激其變而益無所


忌憚即君子維有孚于小人之義也

升全士


按維者繫也。繫則不能解。故有孚于小人。若君子

不維繫而有所解。則吉矣。故象傳曰君子有解小

人遠也。



損



益

已事遄往无咎酌損之

損初九 足解

已釋文作以蓋已字古文作已。本同以自篆而楷傳寫之誤耳。夫已事適往者。即以其事而速往也。故象傳曰已事適往尚合志也。

損其疾使遠有喜无咎

且六解

損不善而從善莫尚乎剛莫貴乎速故曰雞鳴而

起孳孳為善

式補夫

弗損益之大得志也

象上九

弗損益之者不必自損以益人也故不違農時穀不可勝食也數罟不入洿池魚鼈不可勝食也斧

御製

斤以時入山林材木不可勝用也

式廟文

自上下下其道大光

付益表

文集云自上下下二語非申明損上益下而言也夫

既損上以益下民之悅之自然窮極其為益也更有

何言蓋自者由也自上下下重言為上者應不自恃

居崇高之位每虛已撝謙尊賢納諫縱能而視若不

能已治而恒如未治延訪必以精明達必以徧雖身


堯勿遺焉斯乃由上以下其下而其道有焉大光者

乎或曰如此則益象祇為為君者言之乎曰易无不

該且一邑有一邑之上下一家有一家之上下推是道也孰無自上下下之理而吾在君言君惟引以爲己鑒耳

元吉无咎下不厚事也

益初九象傳

按厚字。說文從反亨。篆作。徐鍇曰亨者進上也。以進上之具。反之于下。則厚也。非厚重之謂。乃思慮不爽曰厚。夫下不厚事者。猶言下不憤事也。所以爻辭曰利用爲大作。故元吉而又无咎也。

有孚惠心勿問元吉有孚惠我德

益九五爻辭

御制

文集云易理廣大無所不包仁者見之謂之仁知者見之謂之知于嘗以勿問其施惠釋元吉矣至於惠我德予亦以為應禮為君者言之蓋惠者何即我之德也我施德惠而稍有不孚於心則仍是違道干譽之為欲天下人之愛戴此非問乎且九五為君位亦不應計及人之愛戴也或曰如此不有違歷來釋經者乎曰觀象玩辭予惟知盡予為君之道

莫益之偏辭也或擊之自外來也

上九象傳

按釋文裁孟本偏作偏夫是爻亢極為害不知自

上下下之道。凡益之者。徧辭之矣。唯有敦擊之者。自外來也。因其立心勿恒。不克與時偕行。故擊傳。文言曰。无交而求。則民不與也。莫之與。則傷之者。至矣。徧辭也。信乎。

䷗ 夬
䷍ 姤

莫陸夫夫中行无咎 九五 爻辭

按 莫。釋文載一本作莞。然古易作莫。莫字中尚有
一羊也。項氏曰。莫。山羊也。兌為羊。在上卦。有山羊
之象。王氏曰。山羊細角者也。从兔足首。聲。讀若丸。

故寬字从此。又徐鉉注本艸，寬似麋羊，角有文，俗作羴也。或曰：宗頊氏之說，兕羊在上，固若是矣。然則寬字既為獸屬，何以从艸？蓋篆書寬，寬字本不从艸。即如黃、夢、恭、敬等字，各有分別，皆不从艸也。夫字畫之謬，為黃書所惑，可勝言哉。

繫于金柅，柔道牽也。

七初六象傳

初六之柔能牽同類之小人，又能牽殊類之君子。

此陰之方興而巧者。

金士升

姤其角，上窮吝也。

上九象傳

鏡
从心

上九之剛不唯與小人為角且與同類之君子亦

為角此陽之既老而拙者也全○說文無始字

說文無始字徐鏡新附乃有之古易卦名本作逆

王輔嗣始改為始後儒皆遵王本唯雜卦傳以無

王注偶未及改故宋本猶存此古字明人撰大全

者盡改為始自後坊本相承故也錢大昕

萃
升

澤上于地萃君子以除戎器戒不虞大象

擊柝取諸豫旅矢取諸睽而萃時尚文事然文事

必有武備萃時言外平未必無內憂所謂致治于

未亂安邦于未危也味既

往无咎上巽九象傳

按上巽也者。直言中爻上卦之為巽。此即中爻之

明證也。以巽近利市三倍。所以往則无咎耳。

冥升利于不息之貞上六

升上進極故冥升豫上樂極故冥豫徐與 ○利于

不息之貞者。回其進善之機也。王應麟

按此卦柔以時升。无吉志行。故特放之以乾乾不

息。以復其初之善也。

困 ䷮ 井 ䷯

困亨貞大人吉无咎有言不信 象辭

御案困亨非謂處困而能亨也蓋困窮者所以動心忍性

困屈志伸有必通之理也然惟守正之大人則能進

德於困而得其所以可通者爾困者君子道屈之時

屈則不伸矣信字疑當作伸字解蓋有言而動見沮

抑乃是困危之極不特人疑之而不信也

困剛揜也險以說困而不失其所亨其唯君子乎貞

大人吉以剛中也。有言不信，尚口乃窮也。

曰永

君子無斯須不學也。黃霸之受尚書，趙岐之注孟

子皆在患難顛沛中，况優遊暇豫之時乎？

王應麟

困 是乃為剛中而不尚口。可謂困而不失其所

亨矣。故曰窮而通也。

澤无水困。君子以致命遂志。

大來

按 說者謂君子以道窮為困。小人以身窮為困。來

氏云：患難之際，論是非，不論利害；論輕重，不論死

生。有殺身成仁者，有舍生取義者，豈不身困而志

亨乎。能如是。可謂身窮而道不窮也。

井改邑不改井。无喪无得。往來井井。汔至亦未繙井。
羸其瓶凶。朱新

御案

改邑不改井。句解釋多錯。文意蓋言所在之邑。其井
皆無異制。以喻王道之行。國不異政。家不殊俗也。然
井能澤物。汲之者器。政能養民。行之者人。無器則功
不上行。無人則澤不下。究故汔至以下。又以汲井之
事言之。

古者建國立邑。必審地脉。觀泉流。以養生之本在

此也夫邑之有井猶政之有大經故邑可改而井不可改也升全上

卦无喪无得猶民無能名。若無德而稱焉。惟是往

來井井有條。不遠則也。此喻井之為德。海魚也。

御案

移言莊事者不能修汲。○養人。或汲之不以道。故有

瓶甕甕漏。是以補之也。

井谷射鮒甕做漏九三

鮒或為蝦或為墓為蛙為蝎。政之韻書鮒扶句切

續魚也。然續鮒鮒三字並同。子亦切。注云鮒也。莊

子潤鮒注亦為卸魚


則安沾然
非非誤

[按]射音亦。生也。出也。以九二在水之下。在下之中。

如出紺然。井之謂谷。井未脩成也。所以僅能養鮒。

雖有成汲也者。無如龍(虎)引汲不能(好)以養

人。故象傳曰无與也。



革己日乃孚。元亨利貞悔亡。象辭

御案取李氏之說。謂己日者。己可革之時也。蓋先時而革

則人疑而罔孚。

按王弼謂己日者不即日也。蓋己者盡也。言當盡其天運之日而革之。則人皆孚信焉矣。必也革而當其時。故其悔乃亡。革之為道。豈易乎哉。革之為時。豈不大哉。

革之時大矣哉 朱傳

孔子鄭僑其治政之始。且有彘裘執殺之謗。况才德不逮者。敢輕議革變乎。 朱傳

己日乃革之征。吉无咎。 大六二 己日革之行有嘉也。 朱傳

按卦非為革。在六二之時。猶未盡其天運之日也。

須盡其天運之日。假令及力。見幾而作。然後可行
革道。故曰己日乃革之。在此時。但可征則為吉。止
无咎而已。非行有嘉也。必待己日革之。則行有嘉
矣。夫子不言乃字者。何也。當知行有嘉者。正所以
發明乃字之義。猶王氏云。不即日之義也。

君子豹變其文蔚也。小人革面順以從君也。

上六象傳

按蔚字。說文作斐。分別也。唯君子為能格君之非。

匡君之德。非若小人之徒。以曲從為孝。逢欲為志。
但知革面。順以從君。而無分別者也。

鼎折足覆公餗其形渥凶 九四

安石之果於變法輕信器忠卿大壞宋事即其義

也 升金士

按釋文載鄭本渥作劇。重刑也。有并作刑。劇者則

失之過當矣。蓋折之者鼎足。覆之者公餗。猶言其

形如劇之凶。當以鄭本為是。

震 艮

震來厲億喪貝躋于九陵勿逐七日得 六二

勢值危難為一時利害所牽坐為人困由不審於

輕重得失故也能不惜貨貝之喪而深計夫避強
就安之策固守勿逐俾陰數自盡陽數來復卽能
得矣故太王避狄遷岐所以肇基王迹若後代奔
竄計出倉遑異於九陵之躋非計之得也

金士

震蘇蘇震行无咎

六三
久解

庸人之一遇小變卽倉遑委頓失措蘇蘇之情狀
也若能鎮靜自安志足帥氣可以轉危爲安故曰

无咎也

金士
升

良其背不獲其身行其庭不見其人无咎

象辭

不獲其身謂忘我也

不見其人謂不交於物也外物不接內欲不萌所見者理而已程明道 ○坤為身

艮為背行止皆身主而背隨辭曰趾腓限身輔皆

言身而不及背也一陽止于坤上成艮而象背一

身皆統于背背為主而不自由呂氏春秋曰耳目

鼻口不得擅行必有所制制之者禮也非禮則勿

言動視聽此艮其背不獲其身之義也莊子曰水

之性不雜則清莫動則平鬱閉而不流亦不能清

時止則止時行則行天德之象靜而與陰同德動

而與陽同波動靜隨時若不得已去知與故循天之理此之謂不獲其身不獲其身非無身也老子謂無身而後無患陋矣君子止於其所有身何患之有人知有用之爲用莫知無用之爲用讀易至艮卦而後知無用之爲用也大矣哉人之一身五官四體皆有用而背獨無用唯其無用所以無意必固我而孔子爲聖之時蓋深有得於艮之道也由是一身之有用者皆不敢自用言動視聽悉由天則非禮不得干焉故不獲其身乃合乎道正其

形壹其度則宇泰定而天光發此聖人所以定之
以中正而主靜故曰其道光明艮體篤實輝光日
新此之謂與艮爻初趾二腓三限四身五輔而不
言背何也上九背之象也爻曰敦艮象曰厚終一
身之敦厚者莫如背上九不言背而背象見焉老
子曰負陰而抱陽謂人背北面南內經曰背爲陽
腹爲陰謂負陰者陽抱陽者陰背負陰故其象鬼
冥背體陽故其道光明

惠氏
易說

按惠氏謂孔子深有得於艮卦之道嘗讀周子易

通。世所謂通書者。三卷詳以良其背。承接上文其唯

孔子時中。為易通之結語。正是惠氏易說。與周子

易通。義有同然。夫能止其背。四體不言而命自然

皆知其所。矣。

良其限列其彙屬熏心九三

限為身半內經謂之天樞天樞之上自身半以上

其氣三天之分也天氣主之天樞之下自身半以

下其氣三地之分也地氣主之限者上下之際氣

交之中人之分也中當氣交故稱限天地之氣交

合於此化生變易皆在其中故氣交之分人氣從
之萬物由之此豈所當止之地哉非所當止而亦
止焉故曰艮其限艮其限則天氣不交于下地氣
不交于上上下分截如列其夤在天地爲否否則
天下无邦在人身爲病病則一身无主故曰危熏
心其病名關格關格者上下不交凡寒暑燥溼風
火勝復變化皆不流行而病將危故稱厲孔子曰
於止知其所止九三不知所止故其象如此

易說

按此說及其限雖亦本來注界限之詞然將內經

御案

一證發明氣文之分。非所當止。其義益精。洵是三
復醫經者。又列其彙黃字。故遊折中

彙夾脊骨也。正與心相對。故此黃字。从因。从寅。亦不
可不正。

艮其輔言有序悔亡

六五爻辭

○艮其輔以中正也

象傳

按艮其輔。非禮勿言。言有序。時然後言。皆出乎中
正。故傳曰以中正也。本義正字謂羨。來氏亦擬作
止。或疑陰居陽位之非正。試看未濟九二。陽居陰
位。傳曰中以行正也。唯不言當位。則傳義自明。

漸

歸妹

彖傳

漸之進也。女歸吉也。

御案 漸之進也。別於晉之進升之進也。

按經彖不言進。而曰漸。女歸吉。何也。大凡女之歸

夫。即進之道。以進之由漸。方得吉也。又傳曰。進得

位。進以正。皆當如女歸之漸。女歸之漸。即漸卦之

進也。本義謂之字疑衍。或是漸字。今遵

御案 漸之進也。為晉升兩卦之分別。不勞而定矣。

鴻漸于陸。夫征不復。孕婦不育。凶。利御寇。

九三 艾解

按九三之鴻漸于陸者。蓋夫實往征。離羣醜而不
能復。婦雖息孕。失其道而不能育。皆不可顯暴。入
而寇。寇字義詳象卦於人者。亦不利為寇之意。不利為寇
者。卽利用禦寇之所以順相保也。

鴻漸于陸其羽可用為儀吉

上九又辭

陸者天衢也。天文有北陸西陸。

古不言而陸忠從左說義仍作而陸

齊桓公曰。今夫鴻鵠有時而南。有時而北。四方雖
遠。所欲至而至焉。非唯有羽儀之故。故能通於天
下乎。寡人之有仲父也。猶飛鴻之有羽翼也。惡氏易說

按此陸字。說者紛如。總不若是說之正。前九三之陸。原是陸地之陸。擬諸內卦。成之外卦。鴻漸皆陸。自有天地之分。一字貫通。誠易簡也。

歸妹以娣。跛能履。征吉。初九○歸妹以須。反歸以娣。

六三
反辭

按娣即妹也。言嫁妹如嫁妹之禮。雖跛而尚能履。因禮合宜。故傳曰相承也。然嫁妹如禮。亦人情之常。故傳曰以恆也。願妹以悅而動。吾待之正以禮。有相承其恆常之道。亦能反凶為吉。須者。賤也。天

文。織士為貴。須女為賤。歸妹以須者。言嫁妹以須。賤之情。待之於妹。故曰反歸。為其不合經常之道。不如歸妹以娣之正。故傳曰未當也。

帝乙歸妹其君之袂不如其娣之袂吉良句月幾望

吉六五
反辭

按王注。帝乙。紂父。非金注所謂湯也。泰之帝乙。湯也。詳前泰卦。此又擬如帝乙嫁妹。凡嫁必有贈。猶衣飾之類。袂者。概言之也。謂其所贈之袂。或不及其娣。素有之袂。雖然薄贈。亦曰良矣。唯歸妹之理。

薄贈猶可。但必如月之對望得偶為吉。若所贈雖
豐。所對非偶。則不吉矣。故傳曰帝乙歸妹。不如其
娣之袂力良也。玩此也字。句讀自明。又曰其位在
中者。卦體五爻。得外卦之中也。以黃行者。承帝乙
歸妹之義。正王姬下嫁。時行之謂也。

豐 旅

豐其蔀日中見斗。往得疑疾。有孚發若吉。

六二

往得疑疾者。未信而諫也。有孚發若者。信而後諫
也。萬想 ○六二之明能見幾。因應爻六五是柔暗

之主雖與之言適取疑耳惟積誠自靖俟其感孚
然後隨事啟發必有信吾言矣升金士

旅小亨旅貞吉象旅

公子出亡寓旅也命使聘問賓旅也轉貨貿遷商
旅也曰小亨旅人之分也不貪不競進退以禮斯
克自全孔子歷遊諸邦所主不苟陳蔡桓匡之危
弦誦不衰是為千古上旅升金士

巽 兌

巽在牀下用史巫紛若吉无咎九解二○頻巽吝九解三

按此九二以陽處陰不能自安遂至史巫紛若雖
亦常人之情其實恭而無禮蓋史巫紛若本非正
道俾吉而无咎者幸得內卦之中也故傳曰紛若
之吉得中也九三頻巽與前說頻復例同頻者比
也巽者順也入也復之六三比二借復顧彼六二
陰爻當位能以下仁休復三與之比然何有屬因
三多凶耳終能擇善相從故於義无咎今巽之九
三比二借巽况其九二陽不當位自顧不暇致用
史巫紛若亦與之比有何益哉不能擇善豈無羞

孚者剝得局類之各志窮也

孚剝剝有厲剝九二 ○孚于剝位正當也 象傳

孚信解人者亂之機故曰孚于剝有厲王

此位正當者言其位正當孚于剝也履之位正當也詳前

三三 渙 三三 節

渙其羣元吉渙有丘匪夷所思六

渙其羣者退小人之偏朋也王 ○常人但知聚

之為聚而不知散正所以為聚其機甚微其用甚

妙故曰匪夷所思也王

御案

按漢有丘者。即散之有聚也。散之有聚者。猶管子

所謂知與之為取也。

漢汗其大號。漢王居无咎。

九五

渙王居渙。字當讀言其大號也。如渙汗然。足以通上
下之壅塞。固周身之元氣。則雖當渙時。而王者居之
必得无咎。

節亨。苦節不可貞。

不辭

按不可貞者。因道窮之日。悻悻苦節制度。反身修

德。極言節之不易貞也。

御案

說以行險當位以節中正以通 泰傳

節有阻塞難行之象所謂險也而其所以亨者則以其有安適之善而無拘迫之苦所謂說也當位以位言中正以德言當位則有節天下之權中正則能通天下之志此三句總申彖辭之義說則不苦而通則不窮矣蓋上文既以全卦之善言之此又專言九五及卦德以申之

不出門庭凶

節九二爻辭

按正義云當出不出故凶若能勇往而出亦可得

吉。為陽剛中正以通也。通而不出。故失時極矣。阮
芸臺按。初。記載古本。凶。上有之字。於義更捷。蓋此
九二。未必無時。而為不出門庭以失之也。

䷛ 中孚 ䷛ 小過

豚魚吉。信及豚魚也。中孚表信

仁及艸木。言艸木難仁。誠動金石。言金石難誠。信

及豚魚。言豚魚之尤難信也。鄭曰

山上有雷。小過。君子以行過乎恭。喪過乎哀。用過乎

儉。大象

孟獻子相襄公。稽首晉君。漢文帝下書南粵明帝
詔稱小子是行過乎恭也。高柴三年不見齒。子夏
除喪而琴不和。是喪過乎哀也。晏子一裘三十年
季孫之妾不衣帛。是用過乎儉也。全上

密雲不雨。已上也。五小過六

按 已上也。與亢象有間。能西郊感格。可弋取在穴。
然有所得。仍在下。故象傳曰。宜中。不宜也。下大吉也。

䷾ 既濟 **䷿** 未濟

初吉柔得中也。象傳

按柔得中。注釋者或指二爻為訓。是以初者定舉
內卦而言。與蒙養初筮之義同也。

婦喪其茀勿逐七日得。既濟六二爻辭

按釋文載于夏傳。茀作髻。並本作髻。苟本作紱。當

從子夏傳髻字為準。即以字體證之。為髻之茀也。
義與髻通。夫髻也者。髮髮也。字訓。髮之少者。則髻
益之。唯今時髻字皆作為彷彿之髻。殆由此髮髮
之彷彿。而借用之久矣。久則難變也。音訓家。而反
遺其本歟。然在仿字下。猶訓別作髻。非也。但未及

髻字耳。首本之不從子夏傳為髻。而別擬為緌者。不亦因此而然乎。今從髻字義。且與婦人食失之物。較之車蔽。其在物理人情。尤切近也。

縹有衣初終日戒

既濟六四又辭

按釋文初。子夏作茹。京作絮。阮芸臺曰。且徑按動

記載。石經初字漫滅。蓋縹者。采繒也。初。或由絮字

誤。初之誤。故又有為絮者。然則古易本作絮。音啟

也。經也。言時常既濟符革之秋。雖有華美之服。而

應衣縹。故之袍。能終日戒懼。而疑慮其禍患之將

至。即思志豫防之計也。至於本義所載縉字。程子
作濡。或因下文即此縉字。義有未洽故也。若從縉
字。縉。文義直貫。在上縉字。可勿改作矣。

東鄰殺牛不如西鄰之時也。九五

漢書郊祀志引師古注。東鄰謂商紂。西鄰謂文王。

也。東注東。西。謂水。一。鄰。延。五。西。鄰。殺。牛。或。

縉之字。來氏曾擬作知。然莫若仍舊。口為正。其在

時字。尤切重之。因時當禘祭。所以實受其福。吉大

來也。

濡其尾亦不知極也

木解初
六長傳

按本義注極字未詳。考上下韻亦不叶。或恐故字。

且闕之云。然知字讀作去聲為智字可也。謂其初

六才弱無位。不諒力而冒險以進。遂至濡尾。亦屬

不智極也。今知字讀作去聲而極字殆無闕疑。

貞吉悔亡震用伐鬼方三年有賞于大國

未濟九
四爻辭

張征伐以壯國威可以戒奸雄睥睨之志然欲速

而不能持久或輕舉而躁動或未可進而進或不

宜退而退皆足以僨事故必從容審慎有以老敵

之師而握勝算。至於三年有賞。始終於振而不少。
袁高宗北伐。周公東征。皆以三年。豈非慮周計遠。
不敢苟且圖功乎。漢趙充國之制。羌亦得持久之

道矣。

全六
升六

有孚于飲酒。无咎。濡其首。有孚失是。

未濟上
九爻辭

按濡其首者。猶沈湎于酒。太過之謂。言雖有孚信。
而亦失是。故象傳曰。亦不知節也。若能執中勿過。
所謂有孚飲酒。故无咎也。

附按內卦爲貞。外卦爲卦。詳說文內外卦名。從卦。

不從悔。惟是外卦之悔。與悔吝之悔不同。蓋卦名
 內外皆從卜也。夫字學之火。為真書十三譌。而遺
 其篆本之所以然也。一則由於點畫之火。偽最實
 非。如毒天下之毒。詳前。覓陸之覓。詳前。等字。再則
 由於真書字增。音訓變移。如陰疑之疑。詳前。生梯
 之梯。詳前。以至繫傳亦要等字。詳前。由此而經傳之
 譌。可勝言哉。竊思先輩文理淵博。字體近忽。遂以
 古簡篆本字義。為真書近習之訓。譌以傳譌。殆非
 其所以然之然歟。

繫辭傳集說

憂悔吝者存乎介震无咎者存乎悔

上傳

憂悔吝者思患預防于始震无咎者恐懼脩者于

後

即升
階

按存乎介者示不易其介故惟狂克念可以作聖
存乎悔者能悔過遷善即反身而誠樂莫大焉

一陰一陽之謂道繼之者善也成之者性也仁者見
之謂之仁知者見之謂之知百姓日用而不知故君
子之道鮮矣顯諸神農諸用鼓萬物而不與聖人同

憂成德大業至矣哉

上傳

此章之中庸

御製

文集云繫辭第五章與中庸首章相表裏子思或有承乎是章之義乎蓋一陰一陽之謂道繼之者善成之者性即所謂天命之謂性也仁者見之謂之仁知者見之謂之知即所謂率性之謂道也百姓日用而不知故君子之道鮮矣即所謂脩道之謂教也至於顯諸神神靈諸用鼓萬物而不與聖人同憂注疏家皆作一句讀余則以為鼓萬物而不與應作一句而與應作去聲如舜禹有天下而不與之與蓋所謂不居

而已耳不居則不知不知則無爲無爲則無心設以
上聲讀而貫下文是視天地與聖人有間然且有心矣
夫大易一乾坤乾沖一陰陽陰陽一天地天地一易
簡春生夏長天地之顯諸神也秋收冬藏天地之藏
諸用也而天地實不居其功此即天之無心也若夫
聖人輔相左右是有心也有心則不能無爲不能無
爲則不能不代天地同憂矣咨政之暇與諸皇子及
數儒臣示及此並命各書其見以論之皆以爲不出
所示故不復繁文闡論而直陳其義如此然予亦未

板

遂信以爲魁矣簡筆書之以俟後之深于易者
富有之謂衣業日新之謂成德 上傳

御製文集云張子曰日新者久而無窮此語最親切故日

新者非必日日務求有所新蓋蓋君子自強不息即
所以進德也且四時運行春生夏長萬物散殊其新
非若故矣然今歲之春即去歲之春推而至於四時
之運萬物之殊又豈非一氣之不息所以爲新而別
有所謂新哉天地聖人無不以是爲極而學者進德
亦必以是爲法若夫化民成俗蘊之中而發之外非

勵悠久無逸之心又何以脩光大育永之治設其無
忠信之本而徒務新奇之爲幾見其不失故而敗事
哉

五歲再閏故再劫而後掛

上傳

張子曰再劫後掛者每成一爻而後再掛也謂第
二第三爻不掛也閏嘗不及三歲而再至故曰五
歲再閏○郭忠孝曰正義以奇爲劫又譌以左右
手爲再劫如曰最末之餘歸之合以歸之合于劫
掛之一處其說自相牴牾莫知所從惟當從橫渠

先生之說為正。用易

按郭氏忠孝之說從張子六卦一得其肯哉。若云正義為矯者。頗有未盡其義也。且觀夫孔疏最末之餘。其上文則曰歸奇于劫以象閏者。奇謂四揲之餘。歸此殘奇于所劫之策而成數。以法象天道。歸殘聚餘分而成閏也。故其下文曰最末之餘。歸之合于劫掛之一處。蓋足疏也。或者孔氏非謂掛一之法。即訓歸奇之策歟。故曰歸此殘奇。又曰歸殘聚餘分而成閏也。據其立說未瑩。且後人未達

歸奇。認其統疏掛一。達爾致疑。不則何至自相抵
 牾。而使後人莫知所從耶。吾知其筮法六掛一。則
 與張說同也。今之說者。咸謂之十八掛一。乃悉從
 朱子着卦考場。又從各郭雍之辨論為證也。然則
 郭雍之說。不是於書也。宋韓流澗泉日記也。郭雍
 字子和。號沖晦處士。賜謚頤正先生。著述易解。作
 傳。郭子和易書其所長。盡見之。呂伯恭易音訓。只
 是呂氏文字。朱元晦本義。掃支離。則有功廢衆論。
 則過矣。此說於郭雍之說。且與朱子往復辨論。

之說。殆不可悉得。而聞噫著卦筮儀。自唐初以來。以奇爲初。故探法多謬。此郭氏忠孝之前言也。胡後辨論著卦。無不懸空說理。未有求數務實者。咸忽於卦象奇耦之偏勝。獨執乎文辭宏富之榮華。辨論愈高。失之愈遠。夫易道易簡。著法無難。若以策數之奇耦。求諸陰陽之太少。如何而偏勝。如何而得中。即能得之矣。正所謂易則易知。簡則易從者也。蓋有掛一論卦。一歸奇論卦。一歸奇策數合解。詳載後卷。

夫乾確然示人易矣 下傳

按 確字。說文作𡗗。音高至也。義較確字為正。

服牛乘馬 下傳

按 服字。升菴索隱云。古易作𡗗。義同。然此等義同

字異者。姑舉一二以概大凡。

天下何思何慮 下傳

繫言何思何慮。是言所思所慮。只在天理上。更無別思別慮耳。非謂無思無慮。故曰同歸而殊塗。一致而百慮。天下何思何慮云。殊塗云。百慮則豈

謂無思無慮耶。心之本體即是天理。天理只是一

箇更有何可思慮得。由天理原是寂然不動感而

遂通。雖千思萬慮只是復此本來體用而已。王陽

噫亦要存亡吉凶則居可知矣。下傳

按噫讀亦。要。噫者。嘆辭。來注謂嘆中爻之妙

也。又以要字作腰。發明中爻之互卦。引說文身中

曰要。證之。但未乃亦字耳。蓋亦者。說文特云。人之

臂亦也。篆作亦。從大。象兩亦之形。徐鉉等曰。今別

作版。非是。且篆書腰即要字。版即亦字。故亦要者。

明言中爻之互卦也。亦為中爻之上卦。如人之兩
亦間也。要為中爻之下卦。如人之兩要處也。若以
亦字仍作虛字。終於文義未洽。觀經典釋文。從要
字絕句者。其不言而喻矣。原夫聖人噫嘆而發明
此為亦為要者。乃緊接上文雜物撰德。辨是與非。
則非合其中爻之互卦。不能備耳。人能明此亦要
互卦之象。彼存亡吉凶之理。則居半而可知矣。於
是知者。並觀其象辭。則又得思過其半者矣。

能研諸侯之慮

下傳

按。侯之二字。本義謂是行。文初亦未嘗有此說也。
竊惟孔子即承上章用之。成德。謂文王能研常世
諸侯之慮。靡不憧憧往來。朋從爾思。未能寂然不
動。感而遂通。以故易之興也。彖言象告。以示屈信。
使諸侯利用。百姓與能。而易者使傾。定天下之吉
凶。危者使平。成天下之亹亹者。皆文王之成德云。
不去此二字。義亦直也。

易用卷之二終

易。用。卷。三。總。論。集。說。

吳郡毛一豐安洲輯

周子易說

無極而太極。太極動而生陽。動極而靜。靜而生陰。靜極復動。一動一靜。互為其根。分陰分陽。兩儀立焉。陽變陰合。而生水火木金土。五氣順布。四時行焉。五行一陰陽也。陰陽一太極也。太極本無極也。五行之生也。各一其性。無極之真。二五之精。妙合而凝。乾道成男。坤道成女。二氣交感。化生萬物。萬物生。生而變化。

無窮焉。惟人也。得其秀而最靈。形既生矣。神發知矣。五性感動而善惡分。萬事出矣。聖人定之以中正仁義而主靜。立人極焉。故聖人與天地合其德。日月合其明。四時合其序。鬼神合其吉凶。君子脩之吉。小人悖之凶。故曰立天之道曰陰與陽。立地之道曰柔與剛。立人之道曰仁與義。又曰原始反終。故知死生之說。大哉易也。斯其不矣。

按陳溪曰。因極圖說。如朱子所述。清逸潘公
 總論性理。故其所著之書。特以作太極圖為

首稱而後乃以易說易通繫之云而朱子按稱易
 說久矣不傳於世向見兩本皆非是又皆佛老陳
 腐之談其甚陋不可笑者以非先生所為可知矣
 又曰易通疑即通書厥惟旨哉但不知周子所作
 之太極圖則圖而已矣故潘說特以作太極圖為
 首稱而不曰太極圖說也後世名為圖說此
 說不見也此駢駢覽覽無無從從矣矣圖圖說說中中
此易易說說中中其其說說易易則則推推本本窮窮源源本本乎乎太太極極一一動動一一

靜分陰分陽人道立而五性具萬事出聖人定之

以中正仁義而立人極。與天地日月四時鬼神合惟不違。皆易象之性理神幾。故是文之結語曰。大哉易也。斯其至矣。此蓋先賢垂訓說易之大綱。非易說乎。夫通書者。洵即易通也。今擬仍其舊目之曰。易說易通可乎。

周子易通

誠者聖人之本。大哉乾元。萬物資始。誠之源也。乾道變化。各正性命。誠斯立焉。純粹至善者也。故曰一陰一陽之謂道。繼之者善也。成之者性也。元亨誠之通。

利貞誠之復。大哉易也。性命之源乎。聖誠而已矣。誠
五常之本。百行之源也。靜無而動有。至正而明達也。
五常百行。非誠非也。形則塞也。故誠則无事矣。至易
而行難。果而確。无難焉。故曰。一曰克己復禮。天下歸
仁焉。誠无爲。幾善惡。德愛曰仁。宜曰義。理曰禮。通曰
智。守曰信。性焉安焉之謂聖。復焉執焉之謂賢。發微
不可見。充周不可窮之謂神。寂然不動者。誠也。感而
遂通者。神也。動而未形。有无之間者。幾也。誠精故明。
神應故妙。幾微故幽。誠神幾。曰聖人。動而正。曰道。用

而和曰德。匪仁匪義匪禮匪智匪信。悉邪也。邪動辱也。甚焉害也。故君子慎動。聖人之道。仁義中正而已矣。守之貴。行之利。廓之配。天地豈不易簡。豈為難知。不守不行。不廓耳。或問曰。易為天下善。曰。師曰。何謂也。曰。性者剛柔善惡中而已矣。不達曰。剛善為義。為直。為斷。為嚴。毅為幹。固惡為猛。為隘。為強。梁柔善為慈。為順。為異。惡為悞。弱為无斷。為邪。佞。惟中也者。由節也。天下之達道也。聖人之事也。故聖人立教。俾由自易其惡。自至其中而止矣。故先覺覺後覺。聞者由

於明而師道立矣。師道立則善人多。善人多則朝廷
正而天下治矣。人之生不幸不聞過大不幸元恥必
有恥則可教。聞過則可賢。決非曰思曰睿。睿作聖。死
思本也。思通用也。幾動於彼誠應於此。无思而死不
通。為聖人。不思則不能通。微不睿則不能无不通。思
則无不通。生於通。微通微。生於思。故思者聖功也。由
本本
而吉凶之幾也。易曰君子見幾而作。不俟終日。因曰
知幾其神乎。聖希天。賢希聖。上希賢。伊尹。顏淵。內實
也。伊尹。恥其君不為堯舜。一天不得其所。若撻放市

顏淵。不遷怒。不貳過。三月不違仁。志伊尹之志。學顏
子之學。過則聖。及則賢。不及。則亦不失於令名。天以
陽生萬物。以陰成萬物。生。仁也。成。義也。故聖人在上
以仁育萬物。以義正萬民。天道行而萬物順。聖德脩
而萬民化。大順大化。不見其迹。莫知其然之謂神。故
天下之衆。本在一人。道豈遠乎哉。術豈多乎哉。十室
之邑。人人提耳而私。且不及。况天下之廣。兆民之衆
哉。曰。純其心而已矣。仁。義。禮。智。四者。動靜言貌視聽
无違之謂純。心純。則賢才輔。賢才輔。則天下治。

要矣。用賢。急焉。禮。理也。樂。和也。陰陽理而後和。君君臣臣。父子子。兄弟弟。夫夫婦婦。萬物各得其理。然後和。故禮先而樂後。實勝善也。名勝恥也。故君子進德脩業。孳孳不息。務實勝也。德業有未至。則恐恐然畏人知。遠恥也。小人則偽而已。故君子日休。小人日憂。有善不及。曰不及。則學焉。問曰。有不善。曰。不善。則告之。不善。且勸曰。庶幾有改乎。斯爲君子。有善一。不善二。則學其一。而勸其二。有語曰。斯人有是之不善。非大惡也。則曰。孰无過焉。知其不能改。改則爲君。

子矣。不改爲惡。惡者天惡之。彼豈无畏耶。烏知其不能改。故君子悉有衆善。无弗愛且敬焉。動而无靜。靜而无動物也。動而无動。靜而无靜。神也。動而无動。靜而无靜。非不動不靜也。物則不通。神妙萬物。水陰根陽。火陽根陰。五行陰陽。陰陽太極。四時運行。萬物終始。混兮闢兮。其无窮兮。古者聖王制禮法。脩教化。三綱正。九疇敘。百姓六和。萬物咸若。乃作樂以宣八風之氣。以平天下之情。故樂聲淡而不傷。和而不淫。入其耳。感其心。莫不淡且和焉。淡則欲心平。和則躁心

釋優柔平中。德之盛也。天下化中。治之至也。是謂道配天地。古之極也。後世禮法不脩。政刑苛紊。縱欲敗度。下民困苦。謂古樂不足。用也。代變新聲。妖淫愁怨。導欲增悲。不能自止。故有賊君棄父。輕生敗倫。不可禁者矣。嗚呼。樂者。古以平心。今以助欲。古以宣化。今以長怨。不復古禮。不變今樂。而欲至治者。速矣。樂者本乎政也。政善民安。則天下之心和。故聖人作樂。以宣暢其和。心達於天地。天地之氣感而大和焉。天地和。則萬物順。故神祇格。鳥獸馴。樂聲淡。則聽心。而

辭善則歌者慕。故風移而俗易矣。妖聲豔辭之化也。亦然。聖可學乎。曰。可。曰。有要乎。曰。有。請聞焉。曰。一爲要。一者。无欲也。无欲則靜。虛動直。靜虛則明。明則通。動直則公。公則溥。明通公溥。庶矣乎。公於己者。公於人。未有不公於己。而能公於人也。明不至。則疑生。明无疑也。謂能疑爲明。何啻千里。厥彰厥微。匪靈弗瑩。剛善剛惡。柔亦如之。中焉止矣。二氣五行。化生萬物。五殊二實。二本則一。是爲萬一。一實萬分。萬一各正。小大有定。顏子。一簞食。一瓢飲。在陋巷。人不堪其憂。

而不改其樂。夫富貴人所愛也。顏子不愛不求而樂。
而樂。手貧者獨何心哉。天地間有至貴至富。可富可曰曰
愛。可求。而異乎彼者。見其大。而忘其小。馮爾見其大。
則心泰。心泰則无不足。无不足則富貴貧賤處之一
也。處之一則能化而齊。故顏子亞聖。天地間至尊者
道。至貴者德而已矣。至難得者人。人而至難得者道。
德有於身而已矣。求人至難得者有於身。非師友則
不可得也。已。道義者身有之則貴且尊。人生而蒙長
无師友則愚。是道義由師友有之而得貴且尊。其幾

不亦重乎。其聚不亦樂乎。仲由喜聞過。令名无窮焉。
今人有過。不喜人規。如護疾而忌醫。寧滅其身而无
悟也。噫。天下勢而已矣。勢輕重也。極專不可反。識其
重而亟反之。可也。反之力也。識不早。力不易也。力而
不競。天也不識。不力。人也。天乎。人也。何尤。文。所以載
道也。輪轅飾。而人弗庸。徒飾也。况虛車乎。文辭藝也。
道德實也。篤其實。而藝者書之。美則愛。愛則傳焉。賢
者得以學而至之。是爲教。故曰言之无文。行之不遠。
然不賢者。雖父兄臨之。師保勉之。不學也。強之。不從。

也。不知務道德而第以文辭爲能者。藝焉而已。嚮矣也。久矣。不憤不啟。不悱不發。舉一隅不以三隅反。則不復也。子曰。予欲天言。天何言哉。四時行焉。百物生焉。然則聖人之蘊。微顏子殆不可見。發聖人之蘊。教後世无窮者。顏子也。聖同天。不亦深乎。常人有一聞知。恐人不速知其有也。意人知而名也。薄亦甚矣。聖人之精。畫卦以示。聖人之蘊。因卦以發。卦不畫。聖人之精。不可得而見。微卦。聖人之蘊。殆不可悉得而聞。易何止五經之源。其天地鬼神之奧乎。君子乾乾。

愈於誠然必懲忿窒欲。遷善改過。而後至。乾之用。其善是損益之大。莫是過。聖人之旨深哉。吉凶悔吝生乎動。嚳吉。一而已。動可不慎乎。治天下有本。身之謂也。治天下有則。家之謂也。本必端。端本誠心而已矣。則必善。善則和親而已矣。家難而天下易。家親而天下疏也。家人離。必起於婦人。故睽次家人。以二女同居。而志不同行也。堯所以釐降二女于媯汭。舜可禪乎。吾茲試矣。是治天下觀於家。治家觀身而已矣。身端心誠之謂也。誠心復其不善之動而已矣。不善之

之動妄也。妄復則无妄矣。无妄則誠矣。故无妄次復。而曰先王以茂對時育萬物。深哉。君子以道充爲貴。身安爲富。故常泰无不足。而銳視軒冕。塵視金玉。其重无加焉爾。聖人之道入乎身存乎心。蘊之爲德行。行之爲事業。彼以文辭而已者陋矣。至誠則動。動則變。變則化。故曰擬之而後言。議之而後動。擬議以成其變化。天以春生萬物。止之以秋。物之生也。既成泰不止。則過焉。故得秋以成。聖人之法天。以政養萬民。肅之以刑。民之威也。欲動情勝。利害相攻。不止則賊。

滅无倫焉。故得刑以治。情偽微曖。其變十狀。苟非中正。明達果斷者不能治也。訟卦曰。利見大人。以剛得中也。噬嗑曰。利用獄。以動而明也。嗚呼。天下之廢主刑者。民之司命也。任用可不慎乎。聖人之道。至公而已矣。或曰。何謂也。曰。天地至公而已矣。春秋正王道。明大法也。孔子爲後世王者而脩也。亂臣賊子。誅死者於前。所以懼生者於後也。宜乎萬世无窮。王祀夫子。報德報功之无盡焉。道德高厚。教化无窮。實與天地參。而四時同。其惟孔子乎。童蒙求我。我正果行。如

筮焉。筮。叩神也。再三則瀆矣。瀆則不告也。山下出泉。靜而清也。汨則亂。亂不決也。慎哉。其惟時中乎。艮其背。背非見也。靜則止。止非爲也。爲。不止矣。其道也深乎。

按此易通。即屬通書。蓋周子以周易而通書之也。不則所通者何書。所書者何事乎。故朱子有言。駮而語。夫通書者。亦不知其綱領之在是也。又曰。其書乃因胡氏所定章次。先後輒頗有所移易。遂集次較定之。而又加之以書目云。今所錄者。文次悉

遵朱子也。其章目未載者亦通書之例而已。既曰通書再從斷章分目四十之多。恐蹈支離破碎之轍也。如大學一書前明弘治間有琴川周木云。舊文一本。程氏伯子一本。叔子一本。朱子一本。歷有四種。其扶世立教之功不亦大乎。然猶不能無疑者。語格季則故簡。迷復論治平。或舊文雖次本始末終。未爲大備。庶人復起。不易吾言。脩己治人各有攸當。體之身而易知。措之事而簡能。夫然後大學之理備。夫然後孔曾之旨得矣。又云木既爲此

語客有問者曰。大學一書。子朱子之用心密矣。而子又何言與。木曰。程氏伯子用心非不密也。而叔子少之。叔子用心非不密也。而朱子少之。其志皆將以明道也。故各就其知之所至而訂正之。以俟夫百世之士。不曰吾論已備。以拒來者於無窮也。然則陽明王氏在。大學古本序云。舊本析。而聖人之意已亡矣。又於傳習錄云。大學古本乃孔門相傳舊本耳。朱子疑其有所脫簡。而改正補緝之。在某則謂其本無脫謬。悉仍其舊而已。今讀其文辭。

既明白而可通。論其功夫。又易簡而可入。亦何所
按據。而斷其此段之必在於彼。彼段之必在於此。
與此之如何而缺。彼之如何而補。而遂改正補緝
之云云。第自周本之說。檢求大學。已歷四種。猶未
盡善。莫若竟遵王氏。悉仍其舊而已。於是乎周子
之易通章目。亦不必分標矣。章目不標。故注不錄。
但先後次序。或有未安。奈古本已亡。無從按據。神
而明之。存乎其人。總之是書。乃周子通論易書。而
悉其始。故尚辭務實之大旨。用以傳諸程子。於是

程子傳易而尚辭備矣。嗟乎。微月子通書易說則
程傳其誰與歸。

程子伊川易序

易變易也。隨時變易以從道也。其爲書也。廣大悉備。
將以順性命之理。通幽明之故。盡事物之情。而示開
物成務之道也。聖人之憂患後世。可謂至矣。去古雖
遠。道經尚存。然而前儒失意以傳言。後學誦焉而忘
味。自秦而下。蓋無傳矣。予生千載之後。悼斯文之湮
滅。將得後人。沿流而求源。此傳所以作也。易有聖人

之道四焉。以言者尚其辭。以動者尚其變。以制器者尚其象。以卜筮者尚其占。吉凶消長之理。進退存亡之道。備於辭。推辭考卦。可以知變化與占在其中矣。君子居則觀其象。而玩其辭。動則觀其變。而玩其占。得於辭。不達意者有矣。未有不得於辭。而能通其意者也。至微者。理也。至著者。象也。體用一源。顯微無間。觀會通以行其典禮。則辭無所不備。故善學者。求言必自近。易於近者。非知言者也。予所傳者。辭也。由辭以得其意。則在乎人焉。

按日知錄載。洪武中頌五經。而易兼用程朱二氏。永樂中脩大全。乃取朱子卷次割裂。附諸程傳之後。而朱子之文亦散亂矣。後朱士子厭程傳之多。棄而不讀。專用本義。弘治三年會試。同考官楊守陞批卷曰。序卦朱子無一言。蓋以程子於諸卦之首。疏析其義。已明且盡。故也。今治經者。專用本義。易卷踰八百。而知有程傳者。不數人。此生能知而善作用。是錄之以激厲經生之不讀程傳者。而大余乃朝廷所頒。不敢輒改。遂即監版傳義之本。刊

去程傳而以程之次序為朱之次序。凡本義中言程傳備矣。又添一傳曰而引其文。皆今代人所為也。相傳二百年矣。惜乎朱子定正之書亦不得見於世云。審是說則今之程傳本義概非原本言者尚辭。雖曰程傳已備。由辭以得其意。蓋亦微矣。即朱子之書。又不可悉得。而剛嚙。道者如斯矣。

卦名釋畧 陸振奇

乾從干之乙。取春生之含。木之盛也。乾知大始。于木之發生見之。坤從支之申。取夏秋之交。土之玉也。坤

作成物於土之成功見之。坎以一陽之陷。天一所變。離以一陰之麗地。二所化。陽性動。一陽起積陰之下。故爲震。陰性伏。一陰入堅陽之下。故爲巽。止兼背以名。艮戒有意之失。說去言以名。兌德尚口之窮。天地不可不交也。通則泰。塞則否。水火天地之用也。互則既濟。別則未濟。雷風有相與之機。亦有相助之義。故恒益同利焉。澤山有相感之氣。亦有相克之理。故咸損異辭焉。履者禮之始。儀天澤而作儀。豫者樂之原。法雷地而宣化。賁以敷文。如火之蘊於山。而惡其著。

也。師以閔武。如水之行於地而患其擾也。比畫以五
耦。統一奇。列爵惟五。開封建之規。井象巽乎木而上
水。方里九區。示井田之制。節者理財之書。說於入。不
若儉於出。噬嗑者。用刑之書。明於情。尤欲斷於法。上
止下動。頤象也。故己不役。而民可養。內險外止。蒙意
也。故真不壞。而聖可作。物莫忘於不相用。事莫大於
互爲功。故火澤分見。則睽。互見則革也。水上于天。雲
隨天行。故需以俟其雨。既下于天。則遯而行。是人情
之必訟。需無爲。訟有言也。火出于地。則明因。地遠。故

晉以普其光。苟入于地。則幽而不明。此世道之所以
見傷。晉爲晝。夷爲夜也。臨。觀。萃。升。全盛之卦。臨之二
陽既浸而長。勢必爲革之君。利。四。五是也。爲觀之君
師。五。上。是也。至于升而柔代之者。陽至上則降。故柔
以時升也。蹇。不蹇于險。而貴其能止。困。不困于窮。而
貴其能說。坎。水在雷上爲雲。故雲雷鬱而孕者屯。坎
水在雷下爲雨。故雷雨作而結者解。風出山。而其行
有漸。君子所以無躁仕。山藏風。而其入必蠱。後人所
以利新圖。動而說者。民從君。謂之隨。說以動者。少女

從長男。謂之歸妹。風過水而易散。則外渙也。風過澤而常凝。則中孚也。飄沙漫空。天上之風難係。崇岡峻極。山中之天難窺。此畜之所以有大小也。四陽居于中。所御太輕。四陰制于外。所向太迫。此過之所以有大小也。陰有時而有蔽陽。則大中之五。能有其大。陽有時而同一陰。則得中之二。宜人所同。當天下有雷而人心猶敢戲諭者乎。妄之无也。畏天之威也。當雷行天上。而正氣有不激烈者乎。大之壯也。動與天俱也。鼎。重器也。難疑而易遷。誰知顛趾折足之虞。豐。盛

時也。難得而易失。雖存見沫見斗之戒。風自火而近。曰家人。文王刑于之化也。火去山而遠。曰旅。孔子轍環之象也。天不忌甘。山不能犯天之高。則不疑而遯者。遯之肥也。地屈于山。山反能處地之下。則有勞而能謙者。謙之吉也。方剝而修復矣。方夬而倏始矣。四者。陰陽消息之大樞。陽不能無陰。猶陰不能無陽。故剝不于盡也。碩果而天心見焉。夬不于終也。无號而躅躅乎焉。夫豈獨四卦然哉。乾之元乃无首。坤之戰乃大終。彼謂易爲扶陽抑陰。必盡去陰而後快。未之

有矣。去之不如用之。之尊陽也。故天用地而泰。男用
女而咸。雷用風而益。火用水而濟。則一陰一陽之謂
道。而生生之謂易。宇宙所以至今不毀耳。

讀來氏易注要說 二則

經首易而易尊。注能使先聖之心。大白于凡庸。而凡
庸之心。灼見乎先聖。則人將舍己。而以先聖爲心。此
教之所由隆。而風俗之所以遷。醇也。羲皇奇耦畫卦
包禘。陰陽之蘊。無文字而欲人盡曉。然厥惟艱哉。迨
復衍爲六十四卦。三百八十四爻。已知文字。必不容

已矣。故文王序名定卦。命辭正義。周公爻辭。孔子象傳。文之不宥已也。如是夫。聖人覺世憂民之心。誠有誨誨乎其不憚煩者。繫說序雜。烏容已已。然則易遂如日經天乎。何以自輔嗣。迄晦菴。莫不亶聰明。備制作。而易道之難窺也。如是夫。瞿唐來夫子作。錯之綜之。挾以中爻。而象始著。象著而易益彰。使人觀象玩占。自得之。語言文字之表。瞿唐之功。不在孟子下矣。其文萬千餘言。疑若繁蕪。增障者。領其大要。惟教人過欲存理。吉自我作。悔吝默消。無過貞勝之一言。博

而反約不待占卜而始知也。蓋應事接物不外剛柔。而心爲剛柔之本。無欲而清則知柔知剛。動罔不滅。此貞之所以勝也。列子曰。能柔能剛。無能也。而無不能也。其無不能之妙。正在無能中。與貞勝有二乎。貞勝。立則可。因瞿唐而以易爲心。則四聖可續。教有不隆。而俗有不醇者哉。

易何取乎其象耶。凡人指物則興懷。亦如覽鏡則必脩容。故曰吉凶以象告。既觀象而知吉凶。未有不慈。慈焉避凶而趨吉者也。畏欲防邪。將象是賴。宋儒欲

掃象數而專言理。夫理寓於象。猶神藏於形。形滅。神將焉附。象去。理豈獨昭。遂疑序卦爲邊見。雜卦爲錯。誤迷則無所不礙。易足怪乎。翟唐來夫子錯之。綜之。互以中爻。象乃透露于爻中。每就文王卦名。取爻象以參考之。雖三代秦漢而後。其事亦無不昭合者。以至近而一身。自少至老。去就俯仰。利害禍福。如容在鏡。絨悉靡遺。然非象。易無由尋。非注。則象無由入。甚矣。來夫子之有裨于後學也。高希

周易集注圖解來氏自序

節錄

乾坤者萬物之男女也。男女者一物之乾坤也。故上經首乾坤。下經首男女。乾坤男女相爲對待。●氣行乎其間。有往有來。有進有退。有常有變。有吉有凶。不可爲典要。此易所●由名也。盈天地間。莫非男女。則盈天地之間。莫非易矣。伏羲象男女之形。以畫卦文。王繫卦下之辭。又序六十四卦。其中有錯有綜。以明陰陽變化之理。錯者交錯對待之名。陽左而陰右。陰左而陽右也。綜者高低織綜之名。陽上而陰下。陰上而陽下也。雖六十四卦止。乾坤坎離大過頤小過中。

序。八卦相錯。其餘五十六卦相綜。僅爲二十八卦。並相錯八卦。共三十六卦。如屯蒙之類。雖屯綜乎蒙。蒙綜乎屯。是爲二卦。然一上一下。皆往來變易之卦。乃一卦也。故孔子雜卦曰。屯見而不失其居。蒙雜而著。是也。故上經止十八卦。下經止十八卦。周公立爻辭。雖曰兼三才而兩之。故六亦以陰陽之氣。皆極于六。天地間窮上反下。循環無端者。不過此六而已。此立六爻之意也。孔子見男女有象。卽有數。有數。卽有理。其中之理神妙莫測。立言不一而足。故所繫之辭多。

於前聖。孔子歿後。儒不知文王周公立象。皆藏於序卦錯綜之中。止以序卦爲上下經之次序。乃將說卦執圖求駁。自王弼掃象。以後注易諸儒。皆以象失其傳。不言其象。止言其理。本朝纂脩易經。僅理大舍。雖會諸儒衆注成書。然不過以理言之而已。均不知其象。不知文王序卦。不知孔子雜卦。不知後儒卦變之非。于此四者。既不知。則易不得其門而入。不得其門而入。則其注疏之所言者。乃門外之粗淺。非門內之奧妙。是自孔子歿。而易已亡。至今日矣。四聖之易。如

長夜者二千餘年。不其可長嘆也哉。夫易者象也。象也者像也。此孔子之言也。曰像者。乃事理之彷彿。近似。可以想像者也。非真有實事也。非真有實理也。若以事論。金豈可爲車。玉豈可爲金。若以理論。虎尾豈可履。左腹豈可入。易與諸經不同者。全在于此。如禹謨曰。惠迪吉。從逆凶。惟影響是真有此理也。如泰誓曰。惟十有三年春大會于孟津。是真有此事也。若易則無此事。無此理。惟有此象而已。有象則大小遠近。精粗千璞萬徑之理。咸寓乎其中。方可彌綸天地。無

象則所言者止一理而已。何以彌綸。故象猶鏡也。有鏡則萬物畢照。若舍其鏡。是無鏡而索照矣。不知其象。易不注可也。又如以某卦自某卦變者。此虞翻之說也。後儒信而從之。如訟卦剛來而得中。乃以為自遯卦來。不知乃綜卦也。需訟相綜。乃坎之陽爻來于內而得中也。孔子贊其為天下之至變。正在于此。蓋乾所屬。錯乎坤。坎所屬。錯乎離。艮所屬。錯乎巽。震所屬。錯乎兌。乃伏羲之八卦。一順一逆。自然之對待也。非文王之安排也。惟需訟相綜。故雜卦曰。需。不進也。

訟不親也。若遯則綜大壯。故雜卦曰：大壯則上，遯則退也。見于孔子雜卦傳，昭昭如此。而乃曰訟自遯來，失之千里矣。此所以謂四聖之易如長夜者，此也。德生去孔子二千餘年，且賦性愚劣，又居僻地，無人傳授。因父母病，侍養未仕，乃取易讀于釜山艸堂。六年不能窺其毫髮，後遠客萬縣，求溪深山中。沈潛反覆，忘寢忘食。有年思之，思之，鬼神通之。數年而悟伏羲文王周公之象，又數年而悟文王序卦，孔子雜卦。又數年而悟卦變之非。始于隆慶四年庚午，終于萬

歷二十六年戊戌二十九年而後成書正所謂困而
知之者也既悟之後始知易非前聖安排穿鑿乃造
化自然之妙一陰一陽內之外之橫之縱之順之逆
之莫非易也始知至精者易也至變者易也至神者
易也始知繫辭所居而安者易之序也錯綜其數非
中爻不備二與四同功三與五同功數語及作說卦
序卦雜卦于十翼之末孔子教後之學易者亦明白
親切但人自存察惟篤信諸儒之注而不留心詳審
孔子十翼之言宜乎長夜至今日也注既成乃畫八

卦所屬錯綜圖。文王序卦正綜序卦雜綜圖。又發明
八卦正位。上下經篇義。并各字義。又發明六十四卦
啟蒙。又考定繫辭上下傳。補定說卦傳。又改正集注
分卷。又發明孔子十翼。其淳先訓。釋象義。字義。及錯
綜義。後加一圖。方訓釋本卦本文正意。象數言于前。
義理言于後。其于百家注易諸儒。雖不知其象。不知
序卦雜卦。及卦變之非。止言其理。若于言理之中。間
有不悖于經者。雖一字半句。亦必采而集之。名曰周
易集注。庶讀易者。開卷豁然。可以少窺四聖宗廟百

富千萬一矣。孔子曰：蓋有不知而作者，我無是也。孟子曰：子豈好辯哉？子不得已也。聖賢立言，不容不自任。類如此。德因四聖之易，千載長夜，乃將纂脩性理大全，去取于其間，更附以數年所悟之象數，以成明時一代之書。是以忘其愚陋，改正先儒注疏之僭妄，未暇論及云。

三才論

易曰：窮理盡性，以至于命。所以謂之理者，物之理也。所以謂之性者，天之性也。所以謂之命者，處理性者。

也。所以能處理性者非道而何。是知道爲天地之本。天地爲萬物之本。以天地觀萬物則萬物爲物。以道觀天地則天地亦爲萬物。道之道盡之于天矣。天之道盡之于地矣。地之道盡之于物矣。天地萬物之道盡之于人矣。人能知其天地萬物之道所盡于人者然後能盡民也。天之能盡物則謂之曰昊天。人之能盡民則謂之曰聖人。謂昊天能異于萬物則非所以謂乎昊天也。謂聖人能異乎萬民則非所以謂之聖人也。萬民與萬物同則聖人固不異乎昊天者矣。

然則聖人與昊天爲一道。聖人與昊天爲一道。則萬民與萬物亦可以爲一道也。一世之萬民與一世之萬物。既可以爲一道。則萬世之萬民與萬世之萬物亦可以爲一道也。明矣。夫昊天之盡物。聖人之盡民。皆有四府焉。昊天之四府者。春夏秋冬之謂也。陰陽升降于其間矣。聖人之四府者。易書詩春秋之謂也。禮樂污隆于其間矣。春爲生物之府。夏爲長物之府。秋爲收物之府。冬爲藏物之府。菟物之庶謂之萬。雖曰萬之又萬。其庶能出此。昊天之四府者乎。易爲

生民之府。書爲長民之府。詩爲收民之府。春秋爲藏
民之府。號民之庶。謂之萬。雖曰萬之。又萬。其庶能出
此聖人之四府者乎。昊天。天之四府者。時也。聖人之四
府者。經也。昊天以時授人。聖人以經法天。天人之事
當如何哉。仁配天地。謂之人。唯仁者真。可謂之人矣。
氣者。人之宅也。體者。氣之宅也。天五地六。天以氣爲
質。而以神爲神。地以質爲質。而以氣爲神。唯人兼乎
萬物。而爲萬物之靈。如禽獸之聲。以其類。而各能得
其一。無所不能者。人也。推之他事。亦莫不然。唯人得

天地日月相交之用。他類則不能也。人之生真可謂
之貴矣。天地與其貴而不自貴。是悖天地之理。不祥
莫大焉。

復其見天地之心說

天高地下。渾兮闢兮。二氣絪縕。莫知端倪。屈伸摩蕩
變化無方。成象成形。洋洋乎充塞於兩間矣。果孰主
張是哉。不可得而形容。不可得而名狀。渾淪無端。謂
之太極。空洞無際。謂之太虛。真精不二。謂之太一。生
化莫測。謂之大造。高明博厚。其形體也。覆載發育。其

功用也。陰陽剛柔神妙萬物皆所以言天地而非所以言天地之心也。天地之心。且不知其何所指而欲見其心焉。難矣哉。復卦彖傳曰。復其見天地之心乎。天地之心。何心也。親上親下。類聚羣分。化機滿盈。就非天地生生之心乎。雖純陰純陽。沖漠無朕。而萬象已森然其具在焉。況天地之心。本無間斷。從開闢以來。無一日不生。無一息不生。淵淵浩浩。無從而見之也。聖人教人。惟於雷在地中。一陽起于五陰之下。其卦名曰復。可見其心焉。何哉。乾知大始。坤作成物。一

陽之復。即乾元也。乾陽復于坤陰之初。則其作成物已於此乎。知大始矣。一歲之間。大生廣生。品物流形。滿腔子生意。盎然莫不由冬至一陽。以鼓其化生之機。天地生物之心。不即此而見之乎。蓋天地以生物為心。物必陽氣而生也。玩其卦畫。一陽復于五陰之下。而得意忘象。亦可以默識矣。

後天八卦方位圖解

諸儒因邵子解文王之卦。皆依邵子之說。通說穿鑿了。文王之方位本明。而解之者反晦也。殊不知文王

之卦。孔子已解明矣。帝出乎震一節是也。又何必別
解哉。朱子乃以文王八卦不可曉處甚多。不知何說
也。蓋文王以伏羲之卦。恐人難曉。難以致用。故就一
年春夏秋冬方位卦所屬木火土金水相生之序。而
列之。今以孔子說卦解之于後。

帝者天也。一年之氣始于春。故出乎震。震者動也。故
以出言之。齊乎巽。巽者入也。時當入乎夏矣。故曰巽。
巽東南也。言萬物之深齊也。蓋震巽皆屬木之卦也。
離者麗也。故相見乎離。坤者地也。土也。南方之火生

土。方能生金。故坤艮之土。界木水于東北。界金火于西南。土居于中。寄王于四季。萬物之所以致養也。所以成終成始也。坤順也。安得不役。故言致役乎坤。兌說也。萬物於此而潤。所以說也。乾健也。剛健之物必多爭戰。故陰陽相薄而戰。坎陷也。凡物升于上者必安逸。陷于下者必勞苦。故勞乎坎。艮止也。一年之氣于冬終止。而又交春矣。蓋孔子說卦。多從理上說。役字生于坤順。戰字生于乾剛。勞字生于坎陷。見字生于離明。諸儒皆以辭害義。故愈辨而愈穿鑿矣。

以上
來氏

按前明來氏瞿唐先生周易圖注一書。當時貴州中丞郭子章序云。其言如子雲之紉絡經錯。而無太元之艱深。其旨似堯夫之陰交陽交。而絕臯極之支蔓。使王弼程朱諸子見之。象不必掃。理自能會。且謂先生注易之功。繼往開來。亘百代而一見者也。自萬歷間。請帑梓行是書。又學使張之厚刻於成都。天啓乙丑。太史陳明卿重刻于京師。後巡按四川監察御史劉之勃。再刻于蜀。暨史應選。田大本。沈際飛。高元廓。符永培等翻刻者。不一而足。

復按劉君於梓刻之先曾會同巡撫陳士奇有具
題先生從祀一疏而疏稱先生易象錯綜之注殆
闡四聖未發之蘊大學格物之解將斷千年支離
之根且以爲孟子以後一人謹請易名從祀

禮廟懇切待命云云蓋是疏之請題於熙宗癸未八
月乃不果行耳惟是真儒易名雖褒揚前哲亦師
表後人而從祀大典誠敷教鴻文又理學至治實
難比於改鼎將革之秋而將觀於

聖道大光之際乎今^先是書業已載入

四庫全書經學首集矣。茲錄其說序論解一二於右。
畧見其概。然欲明卦象之用。欲求易簡之理。即讀
先生圖注全書。無不一以貫之。

卦氣方隅卦氣方隅

卦氣方隅

天地之氣。始于子。中于卯。居正北。其名朔方。又曰幽都。
幽者隱也。微也。謂萬物未生。幽隱未可察也。朔者盡
也。初也。謂陰氣之極。陽氣之始也。邵子曰。陽氣自北
方而生。至北方而盡。故堯典謂北方為朔易。朔易者
除舊更新之謂也。蓋其自子至亥。周而復始。以成東

南西北春。夏秋冬之位。子午爲陰陽之極。卯酉爲陰陽之中。是爲四正。四正定。而每隅間以二。是爲十二宮。每隅間之以五。是爲二十四向。再按洛書九宮位。分八卦曰。先天者。其次則乾南坤北。離東坎西。以左右分數之。自南而東者曰乾一。兌二。離三。震四。自西而北者曰巽五。坎六。艮七。坤八也。曰後天者。離象火而居南。坎象水而居北。震象木而居東。兌象金而居西。以次而數。則乾起西北。順而左旋。曰乾坎艮震巽離坤兌。以周八宮也。先天以乾坤分天地而定上下。

本卷盡以元方體在元有也
此是道氏之本若

身於注解全易為心伴
以理教至推必有而視者

志空手著作易林
此是知者過以直意者不及

也耶

也耶
身致易書第注
也耶

或身以才信者教由
也耶

由身也
也耶

四身度之一以為之則
分析為善

何害教自本勸
法者之意志不

或

按直氏名成性也故學也亦然亦未明其法故不
 知卦位分利之準則乃以一卦之六日在度也意
 以六日為度則卦氣有餘而歲氣短矣不日已遂
 將審乞收斂四卦則在二五二分之間為各值一
 日陸上歲氣幸命陸不中不遠矣考究其檢一卦
 者主五日八時有餘二五二五故必詳查
 卦利毫釐不準也善夫卦位日時前人罕存其說
 居則易之方在否用或為手息矣直氏易字
 閑操者自惜乎不知陰旨務本直氏易字

直氏易字
 閑操者自惜乎不知陰旨務本

精曰大易卷之三

異性修運染主氏游于術故之偏曰為術士信易

南端之漸必今日沙月之今米物在日身此強先

在信世世之談故務輔制擇象之想記為之十九

十六者以為變易性止於此故成圖有限則化

易運廣大本有由矣豈不游乘之為故有有一千

五五二十者易物之故死則易物之取亦舉其概

而已豈止於一易哉而以一卦之變而論保年月

不同則子在冬則或人也異宜又應變其方終易

之又易也矣故為七易卦之用故書不在言也

之位。後天以坎離分水火。而定南北之方。先天以乾居正南。坤居正北。其陽在南。其陰在北。後天以乾居西北。坤居西南。其陽在北。其陰在南。故先天以巽離兌。雖爲陰卦。而本乎乾體。故位下。上震坎艮。雖爲陽卦。而本乎坤體。故位下。後天以乾來交坤。化爲坎水。而居北。坤去交乾。化爲離火。而居南。天體倚北。而偏於西。故乾之退。位于西北。地體屬土。而繼乎火。故坤之寄。位於西南。巽居東南。木先火地。艮止東北。因對坤方。乾父在北。故震坎艮。三子隨之。而居下。坤母

在南。故巽離兌。三女隨之而向前。先天以上下分左
右。故乾坤爲縱。六子爲橫。後天以東西界陰陽。故震
兌爲橫。六卦爲縱。先天以乾坤之末。交二至。離爲日。
故生於東。坎爲月。故生於西。後天以震兌之中。當二
分。自震而南。巽離爲木。火之地。自兌而北。乾坎爲金
水之鄉。故易傳曰。帝出乎震。齊乎巽。相見乎離。致役
乎坤。說言乎兌。戰乎乾。勞乎坎。成言乎艮。正以明東
南。春夏之成。西北秋冬之衰。是先天者所以言六合
之象。後天者所以明氣候之詳。故邵子曰。先天爲易。

之體。後天爲易之用也。天體正圓。面南背北。南北
兩極。乃其運轉之樞。北極居上而爲尊。南極居下而
爲對。邵子曰。天之陽在南。陰在北。地之陰在南。陽在
北。天陽在南。故丁處之地剛在北。故山處之。河圖括
地象曰。西北爲天門。東南爲地戶。內經曰。天不足。西
北地不滿。東南。故曰天門無上。地戶無下。又曰。東南
方。陽也。陽者其精降於下。西北方。陰也。陰者其精奉
於上。故陽降於下。則陽盛。陰微。而東南之方常多熱。
陰奉於上。則陰盛。陽微。而西北之地常多寒。崑崙峙

於西北故西北高而多山。滄海浴於東南故東南下而多水。高者多寒。下者多熱。東南陽勝則氣爲熏蒸。而春夏之氣多烟霧。西北陰勝則氣爲凜冽。而秋冬之氣多風霾。中國形勝居崑崙之東南。故天下之山脉皆起於崑崙山脉之所起。即水源之所發。是以中國之山自西北而來。中國之水亦自西北而來。試看中國輿圖。其山脉發自崑崙。委蛇二萬四千三百餘里。而入中河。分大龍爲三障於外。大河爲兩川於中。以成中國河山之勝概。由是四方亨而有十二辰之

會二十八宿辨而有分野之詳。三代分爲九州。虞舜分爲十二州。周末分爲十二國。秦爲三十六郡。漢爲十三部。晉爲十九州。宋爲二十二州。唐爲十道。宋爲二十三路。元爲十二省。二十二道。至本朝分爲兩直隸十三省。西天象輿圖。古今一致矣。

按此張氏卦氣方隅論。正與來氏後天八卦圖解。天然吻合。一則專爲易象。以孔子說卦義詳方位。達五氣相生之序。俾卦象昭明。一則唯注醫經。從文王卦位理析分隅。合人生稟受之常。知陰陽各

易居
別總之爲學之道止於至善貫之唯一正所謂殊
塗而同歸也

古例

古例卦值衍數集說

曾子固爲徐復傳康定中。仁宗命講易。問今歲值何卦。西兵欲出如何。復對曰。歲值小過。而太乙守中宮。兵宜內。不宜外。仁宗嘉其言。因學紀聞

按此歲值之說。乃知節氣日時皆有所值也。

京氏積算法。引夫子曰。八卦。因於伏羲。鑿于神農。重于八純。聖理元微。易道難究。迄乎文王周孔。研理窮通。上下囊括。推爻考象。加乎星宿。局于六十四所。二。十四氣。分天地之數。定人倫之理。驗日月之行。尋五

行之端莫不因茲而兆矣。故考之天地日月星辰山川艸木蟲魚鳥獸之情狀。運氣死生休咎不可執一隅。故曰易含萬象。紀國學

按此六十四卦合二十四氣之說。其所值年月日時之數。可不言而喻者矣。

迎日以數推之。有自黃帝之法不傳。至唐僧一行始以大衍命歷以策數起歲分閏餘之算。案唐書歷志考之其法。蓋未密合也。故今以夫子之言為宗。而參以一行之數。康節之理。據顓頊周髀之制。以約畧千

按中說者不其佳
日之大綱詳合以
各卦數創言為
五十四也者行
五十四也者行
五十四也者行
五十四也者行
五十四也者行
五十四也者行
五十四也者行
五十四也者行

載生致之術為法表以明之其數以五日四分日之一也

歷代之曆歲消長不同故有五日四分日之一而有餘者亦有五日四分日之一而不足者然舉其中者

以賅其變者則四分為常法故顛項周髀經皆用之

司馬遷歷書述焉周易折中

按此說為占卦值日之大綱詳合後卷衍數例當

為五日四分日之三不足也也

分卦值日之法一卦主六日以節氣為之準六十卦

字不在

輪值一年其震離坎兌四卦分而專主於二至二分之日凡卜者看本日是節氣註得何卦即於本日卦內外當作尋所卜而得之卦以詳吉凶卜法以著求之如撰著儀大易通變印

按此焦氏之說惜乎未得其卦值分刻之準則故以一卦主六日為度也悉以六日為度則卦氣有餘而歲氣短矣不得已遂將震兌坎離四卦列於二至二分之間為各值一日乃強與歲氣牽合之者雖不中不遠矣若究其極當以一卦主五

日八時有餘且必詳盡分刻釐毫為準也善夫易
之卦值兼人并存其說否則或幾乎息矣

策馬重績傳論一時之分刻謂四刻十分為正前十

分四刻為正後居中二十分乃時之正也史五代

按此論恰同體總義一日百刻六千分之數為一

歲四時六步二十四氣卦爻值用之準則也

外卦得陰為雨得陽不雨其爻發變得坎為雨得離

不雨巽化為坎先風後雨坎化為巽先雨後風用卦

按此說雖屬為占陰晴即可開一知二也隅且及

推之也事亦莫不... 且血拳亦十端之概...
此言神也

而用之則又在存乎其人

聖在存乎其人

按此說惟庸者至隆焉始舉其一端之概而

一知二至於頂之聖之聖也則亦立之無有神而

明之則又在存乎其人

易用卷之三終